

Sanglinz:

Angqhoh “Cietdaxnuj” Mbanjyauz Cingzngeih Naekna

上林：欢歌“达努节” 瑶乡情义浓

7 nyied 1 daengz 3 hauh, Sanglinz Yen Cinhih Yauzczuz Yangh Baizhungz Cunh Mbanjbaizbya nauhyied raixcaix, beixnuengx Mbanjyauz ciengq go diuq foux, yungh gij minzsuz hozdung ndawbiengz miz Yauzczuz daegsaek haenx angqhoh “cietdaxnuj”, yinx ndaej bouxhek ndaw gih rog gih fanh boux doxhwnj daeuj yawjngonz.

Hozdung geizgan, biujyienj baenzgya fungsug daegsaek Yauzczuz、doiq fwen、ngaizbakranz Mbanjyauz、biujyienj fungcingz gofoux Yauzczuz、dongfeiz vanjvei Mbanjyauz daengj cezmuz ndei yawj, baijyienj gij yinxdaez minzsuz hozdung ndawbiengz, hawj bouxyawj yawj dwk da cungj mbouj yaep. “Cietdaxnuj” fungsug baijyienj le gij yinxdaez vwnzva Yauzczuz, fatyengz le gij daudwz ndei beksingq Yauzczuz, doengzseiz hix yienh’ok beksingq Yauzczuz gyaез saedcej, muengh gouz gvaq saedcej ndei, coicaenh le minzczuz doxgiet caeuq ndawbiengz hoenghvuengh hwnghat.

(Lij Dauyungj/李道永)



▲Eu fwen mbouj dingz mbouj duenh.



▲Gwn ngaizbakranz.



▲Youq rog ranz dak ndangdaenj Yauzczuz.

Lungzswng: “Cietdakbuh” Hungzyauz Dak Nding Baenz Mbiengj Mbwn

龙胜：红瑶“晒衣节”晒红半边天

7 nyied 9 hauh(liggaeuq ndwenloeg coloeg), cienzgangj dwg ngoenz lungzvuengz dak buhlungz, Lungzswng Gak Cuz Swciyen Lungzciz Cin Dacai Cunh banh “cietdakbuh” moix bi gvaq baez haenx, dangdieg mehmbwk Hungzyauz dawz ndangdaenj minzczuz ronghsagsag venj youq rog ranz dak, gaj doeg gaj non baet heiqcuij. Dangdieg beixnuengx Hungzyauz lij guh roi byoemraez、“ram magim” soengq hohfuk、ndangdaenj Hungzyauz gyagoeng、cizdij baenzgya daengj baenzdauq hozdung gig miz minzczuz daegsaek dem, yinx ndaej baenz fanh bouxhek ndaw guek rog guek daeuj yawj dangdieg minzczuz fungcingz lai yiengh.

(Veiz Gizyangz/韦吉阳 Vuz Swnghbinh/吴生斌)



▲Bouxhek rog guek daejniemh daem ceiz.

Sanhgyangh: Ndawhag Minzczuz Daegsaek Yienhda

三江：校园劲吹多彩“民族风”

7 nyied 9 hauh, Sanhgyangh Duncuz Swciyen youq yienhsingz banh gaiq daeuz cungh siujyoz ciet yisuz diyyuz vwnzva minzczuz, daengx yienh 1600 lai boux cungh siuj hagseng langhbaj minzczuz vwnzva conzdungj lai cungj lai yiengh. Gaenh geij bi neix daeuj, aen yienh neix cienzmienh doicaenh suciz gyaуyuz, cungfaen fatok gijndei hagdangz youq gak aenmbanj, hailaeb golaux Duncuz、fwngzguh Siuqdung、minzczuz diuqfoux nem giyoz Duncuz daengj “feihyiz” hanghmoeg banmizyinx, fungfouq hagseng neiyungz dangzgoq daihngaih doengzseiz, hix hawj vwnzva ceiqndei Duncuz ndaej swncienz.

(Vuz Lenyinh/吴练勋)



▲Hagseng hwnjdaiz ciengq golaux Duncuz.

Cietnauhbya Hoh Fungsou

闹鱼节 庆丰收



▲Gyoengqvunz youq gyang raemx doxdax gaeb bya.

7 nyied 9 hauh(liggaeuq ndwenloeg coloeg), Liujcough Si Yungzanh Yen Cangzanh Cin Anhningz Cunh mbanj Myauzczuz Mbanjdabauz banh ndwenloeg coloeg “cietnauhbya” hozdung, dangdieg beixnuengx Myauzczuz caeuq Boux-cuengh、Duncuz daengj doxcomz boq aenvenz、diuq fouxcaijdangz, youq gyang raemx doxdax lanzgiuz、gaeb bya、gwn ngaizbakranz daengj hozdung, angqhoh fungsou.

Ciuq cam rox, liggaeuq ndwenloeg coloeg “cietnauhbya” dwg ngoenzciet conzdungj beixnuengx Myauzczuz muengh fungsou. Gyoengqvunz “nauhbya” gouz fwn yinz rumz swnh、haeuxgwn fungsou.

(Danz Gaijhingh/谭凯兴)